



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

De circumstantia Cur.

urn:nbn:de:hbz:466:1-39981

De Circumstantia cur.

640. Per circumstantiam cur importatur causa finalis non operis, sed operantis. Finis operis est, ad quem velut ad suum objectum formale motivum actus natura ordinatur: sic motivum proprium Eleemosynae videlicet observantia miseriae pauperis est finis operis, sive actus Eleemosynae, solerque etiam dici finis intrinsecus operis ad contradistinctionem finis extrinseci, seu extrinsecus asciti ab arbitrio operantis; ut si des Eleemosynam ob vanam gloriam, haec est finis operantis, id est, ab operante prefixus operi suo, nempe actui externae dationis Eleemosynae; vanæ enim gloriae est proflus extrinseca dationi Eleemosynæ, esto sit finis intrinsecus respectu intentionis intendit vanam gloriam, & ad hujus consecutionem assumentis Eleemosynam ut medium.

Et ideo respectu intentionis non est circumstantia, sed substantia: est tamen circumstantia respectu Eleemosynæ. Et universaliter quoties medium de te est malum oties malitia orta ex fine malo est circumstantia explicanda, si sit mortaliter, ut si fureris propter fornicationem.

Ut autem clarius in hac circumstantia ejus effectus pateat, norandum, quod septem modis possit comparari intentio finis ad electionem mediorum.

641. Primo si medium bonum eligatur propter finem bonum, hoc casu, si utriusque est directe volita, actus habet duplēm bonitatem, *per n. 569.*

Secundo si eligatur medium malum ex fine malo, ut si occidas ex intentione acquirendi bona occisi: tunc duplex spe-

cie malitia contrairitur: si media elecantur ex se ordinata ad talen finem, ut tactus impudici ad fornicationem, electio eorum constituit unum numero peccatum cum intentione finis juxtapositius dicta.

Tertio si eligatur medium bonum ex fine malo, hoc casu electio depravatur, si hoc assumitur propter finem tam, velut causam motivam; quia tunc intentio prava influit in medijs electionem, hæcque malitia finis viatur, variisque ad hujus existentiam, proinde explicanda.

Quarto si eligatur medium malum ex fine bono ut furum propter Eleemosynam, aut omissione missæ præcepte propter studium, electio est simpliciter mala *per num. 573.*

Quinto si actus indifferens fiat propter finem bonum ut si comedas, ut omis DEO servire, electio est simpliciter bona spectans ad virtutem Religionis.

Sexto si eligas medium indifferens ex fine malo v. g. deambulationem propter furandum, deambulatio est mala simpliciter spectans ad vitium, quo est infecta intentio finis.

Septimo si actus indifferens ordinatur ad finem indifferenter, tam intentio, quam electio per se. Est vitiosa spectans omnibus circumstantijs. Siquidem *per num. 578.* verius est esse impossibilem actum moralem indifferenter, qui neque sit bonus, neque malus moraliter.

Illud hic non prætermittendum, quod intentio finis boni saepe excusat à peccato in legibus positivis harum violationem: ut si pauperi non possit succumbere,

aliter, quam labore peragendo die Festo, aut sacram negligendo.

642. Controvertitur tamen: an dum medium malum eligitur ob finem bonum e. g. omissione sacri propter studium si explicandus in confessione etiam finis, nempe studium, vel sola omissione. Apud Lug. de Pœnit. D. 16. n. 478. aliqui affirmant, quia tunc studium est contra virtutem Studiositatis, est enim peccatum studere tali tempore.

Distinguit Soarez de Pœnit. D. 22. S. 4. num. 11. negans: si intenditur finis ex quadam libertate, vel facilitate; affirmans vero, quando finis, ut hic studium ex affectu vehementer inordinato intenditur, tunc enim in eo constituitur finis ultimus, amóreque studij præfertur DEO, siveque est nova species peccati mortalisi.

Respondeo cum Lug. num. 479. & communio non esse explicandum finem ex communi praxi fidelium præcisè se accusantium omissionis missæ nullā facta mentione finis de se non mali, aut non mali mortaliter.

Unde perinde est surati in morali estimatione propter studium, ac furari propter finem furto intrinsecum e. g. propter ipsam commoditatem habendam alienam. Ratio est: quod adæquata malitia gravitas hic delumatur ab omissione missæ, ergo hæc sola est explicanda, quia explicati explicatur indirecte voluntas omitendi, & cum non soleat omitti missa, nisi, vel propter aliquod malum apprehensum in auditione missæ, vel propter amorem alicujus creaturæ, ideo hic inordinatus amor sui, aut alte-

rius creature etiam indirecte manifestatur.

Studium, ac voluntas studendi tempore faciri non est mala malitia proveniente à Studiositate; nam hæc tunc studium non prohibet, sed Religio præcipiendo missam vetat etiam omne impedimentum missæ, consequenter in casu nostro studium, hoc igitur tunc habet malitiam irreligiositatis. Etiam non est verum, quod studium intendatur ut finis simpliciter ultimus, ex eo enim, quod omittat sacram propter studium, non sequitur, quod velit etiam propter idem violare reliqua præcepta, e. g. fidem negare. Est ergo duntaxat finis ultimus secundum quid, seu finis operis, sed ex hoc non sequitur, quod habeat malitiam distinctam à malitia omissionis.

A fortiori concludit Lug. nn. 488. non est obligatio explicandi talem finem, quando hic, ut in casu proposito studium, se habet concomitanter ad omissionem: ut si jam decrevit negligere missam, postea, ne sit otiosus, vult studere; sic enim studium non est impedimentum voluntum ut finis omissionis missæ, non enim ideo omittit missam, quia studet, sed potius econtra ideo studet, quia omittit missam, estque omissione missæ prior studio, quod Deus supposita seria voluntate mittendi missam potest percipere; aut omittens potest vovere studium ex fine vitandi otiositatem.

643. Dices: si is, qui serio decrevit missam omittere, postea studendo non peccet, sequitur etiam non peccare prius Sacerdotem (qui tempore toto navigationis statuit omittere officium divinum) si supposita hac voluntate brevia-

tim in mare projiciat. Secundo nec furem, qui habet animum non restituendi pecuniam, peccare hanc dilapidando, & se reddendo; impotentem restituendi. Tertio, nec voto castitatis obstrictum, si post hoc decrevit ejus inobservantiam, delinquere, si ducat uxorem, hac omnia sunt absurdia, ergo signum est, hac & similia incompossibilia ex se cum re praecpta, esse peccata etiam data voluntate non implendi praecptum.

Respondeo cum Lug. *num. 491.* negando omnes tres sequelas: quia etsi respectu violationis praecetti pro tempore praesenti se habeat concommitanter voluntas abjiciendi breviarij &c. quia pro tempore praesenti est impossibilis praecetti observantia ex vi seriae voluntatis non recitandi; at respectu temporis sequentis se habet antecedenter, & ut vera causa, nam prima voluntas non necessitat ad praecetti violationem pro tempore sequenti cum mutari possit, atque adeo observatio praecetti pro tempore sequenti est possibilis, & ideo objectio breviarij, assumptio furtivae pecuniae, matrimonium sunt mala, utpote voluntarie reddentia impossibilem praecetti observantiam.

De Circumstantia quomodo.

644. Quæres: quid hæc circumstantia significat? an augeat, aut novam speciem actui morali superinducat.

Respondeo ad primum significare modum actionis humanae, quo facta est videlicet actus intentionem, remissionem, tarditatem, velocitatem, libertatem, coactionem, violentiam, fraudem, in-

fidias, errorem, ignorantiam, confusitudinem, intentionem, periculum, scandalum, contemptum, continuacionem, sive durationem.

Respondeo ad secundum intensio, & remissio non mutat speciem actus boni, vel mali, sed prior auget, posterior minuit, nisi sit actus tam remissus, ut excludat perfectam deliberationem; tunc enim mortale transit in veniale, idem est de libertate per *num. 592.* Velocitas, & tarditas non diversificat actum.

De errore, & ignorantia vincibili an minuat, vel augeat, aut mutet speciem consulenda sunt disputata à *n. 440. ad 445.* An voluntarium directum, ac indirectum in peccatis internis efficit speciem diversam, satis potest constare ex *num. 442.* & seq. juncto. *n. 585.*

Consuetudo peccandi non mutat speciem, sed potius minuit minuendo libertatem, ita communis: at bene proximum periculum ex se malum ut notoria cum concubina cohabitatio realis, aut etiam putatitia propter annexum scandalum: alias exponens se periculo proximo labendi non incurrit culpam distinctam à lapsu, si inter hunc, & periculum non intercedit notabilis mora, voluntas enim adeundi proximum periculum sine causa urgente est voluntas indirecta peccati Lug. *de Pœnit. D. 16. n. 511.*

645. Continuatio indicat, aut repetitionem actuum ejusdem speciei, aut durationem ejus actus longiorem: ista non variat substantiam actus: hic tamen si est bonus, est laudabiliter, ac magis meritorius, si malus est amplius demeritorius.

Hinc